

Bosna i Hercegovina
Federacija Bosne i Hercegovine
ZENIČKO-DOBOJSKI KANTON
OPĆINA MAGLAJ
OPĆINSKO VIJEĆE
Broj: 02-05-1-1627/17
Datum, 07.07.2017.godine



Bosnia and Herzegovina
Federation of Bosnia and Herzegovina
ZENICA – DOBOJ CANTON
MAGLAJ MUNICIPALITY
MUNICIPAL COUNCIL

PREDMET: Dostava zaključaka .-

Dostavljamo vam usvojene zaključke Općinskog vijeća sa 8. redovne sjednice održane dana 07.07.2017.godine.

AD – 1. Nacrt Strategije razvoja poljoprivrede općine Maglaj za period 2017. – 2021. godina;

Z A K L J U Č A K

- 1.1. Donosi se Odluka o usvajanju Strategije razvoja poljoprivrede općine Maglaj za period 2017. – 2021. godina.
- 1.2. Zadužuje se Služba za privredu, finansije i razvoj poduzetništva da učini sve kako bi ova Strategija bila dostupna krajnjim korisnicima dokumenta – farmerima, poljoprivrednim proizvođačima.
- 1.3. Zadužuje se Općinski načelnik i Služba za privredu, da do kraja godine sačine Plan provedbe Strategije razvoja poljoprivrede općine Maglaj za period 2017. – 2021. godina.
- 1.4. Sugerije se Općinskoj Službi da daju prednost mladim poljoprivrednim proizvođačima za ostvarivanje poticaja, ukoliko za to ispunjavaju uslove.

Zaduženje: Općinski načelnik, Služba za privredu, finansije i razvoj poduzetništva.

AD – 2 Informacija o Dokumentu okvirnog Budžeta-Proračuna Općine Maglaj za 2018-2020.godina;

- Informacija o Dokumentu okvirnog Budžeta-Proračuna Općine Maglaj za 2018-2020.godina, prima se k znanju.

Zaduženje: Općinski načelnik, Služba za privredu, finansije i razvoj poduzetništva.

AD – 3 Izvještaji o radu mjesnih zajednica za 2016. godinu;

AD – 4 Programi rada MZ za 2017. godinu;

ZAKLJUČAK

- Informacija o Izveštajima za 2016. godinu i Programima rada mjesnih zajednica za 2017. godinu, prima se k znanju.

3.1. Zadužuje se Općinski načelnik da formira mješovitu Radnu grupu od 7 članova u čiji će sastav ući i predstavnici Službe, a čiji zadatak je da pripremi kao prijedlog Odluku o organizovanju MZ na području Općine Maglaj do sredine oktobra 2017. godine. Zadatak Komisije je da utvrdi principe, kriterije i postupak kako bi se izbori za organe MZ mogli obaviti istovremeno u svim MZ Općine Maglaj, a najkasnije u prvom kvartalu 2018. godine. U Mješovitu radnu grupu ulaze predstavnici političkih subjekata koji imaju vijećnike u OV Maglaj, kao i predstavnici Općinskih službi koje odredi načelnik Općine Maglaj. Zadužuje se Klub SDA da dostavi prijedlog imena za sastav mješovite Komisije.

3.2. Mješovita Radna grupa će uobziriti prijedloge iznesene od strane Kluba SDA u toku diskusije vijećnika Ediba Delića.

3.3. Zadužuje se Radna grupa da do sredine mjeseca oktobra 2017. godine sačini i analizu rada mjesnih zajednica u koordinaciji sa predsjednicima Vijeća Mjesnih zajednica i predložiti adekvatne korake u reorganizaciji istih.

Zaduženje: Općinski načelnik, Služba za BiZ, opću upravu i društvene djelatnosti, Klub SDA Maglaj.

AD – 5 Informacija o digitalizaciji matičnih knjiga;

- Informacija o digitalizaciji matičnih knjiga se prima k znanju.

ZAKLJUČAK

5.1. Zadužuje se Služba za BiZ, opću upravu i društvene djelatnosti da u što kraćem roku izvrši unos podataka u elektronsku bazu, a da narednu Informaciju o procentu unosa podataka dostavi do kraja godine.

Zaduženje: Općinski načelnik, Služba za BiZ, opću upravu i društvene djelatnosti.

AD – 6 Nacrt Odluke o dimnjačarskoj djelatnosti na području općine Maglaj;

ZAKLJUČAK

6.1. Usvaja se Nacrt Odluke o dimnjačarskoj djelatnosti na području općine Maglaj.

Općinsko vijeće otvara javnu raspravu u trajanju od 60 dana.

Zadužuje se Služba civilne zaštite za provođenje javne rasprave.

Zaduženje: Služba civilne zaštite.

AD – 7 Informacija o aktivnostima vezanim za BBM Brezove Dane;

- Informacija o aktivnostima vezanim za BBM Brezove Dane, prima se k znanju.

ZAKLJUČAK

7.1. Općinsko vijeće daje podršku Općinskom načelniku da u pregovorima nastupa štiteći interese lokalne zajednice i njenih građana.

Zaduženje: Općinski načelnik.

AD – 8 Rješenje o formiranju građevinske parcele za planirani stambeno-poslovni objekat, označene brojem 30 A na planu parcelacije Regulacionog plana Centar Maglaj – sjeverni dio i dodjeli zemljišta Organizaciji RVI općine Maglaj, radi formiranja iste;

ZAKLJUČAK

8.1. Donosi se Rješenje o formiranju građevinske parcele za planirani stambeno-poslovni objekat, označene brojem 30 A na planu parcelacije Regulacionog plana Centar Maglaj – sjeverni dio i dodjeli zemljišta Organizaciji RVI općine Maglaj, radi formiranja iste.

8.2. Općinsko vijeće Maglaj utvrđuje cijenu od 140,00 KM/m².

Zaduženje: Služba za urbanizam, geodetske i imovinsko pravne poslove.

AD – 9 Prijedlozi Odluka po ponudi za otkup zemljišta Hrnjić (Ibrahim) Said iz Misurića;

ZAKLJUČAK

9.1. Općinskom vijeće ne prihvati Odluku po ponudi za otkup zemljišta od Hrnjić (Ibrahim) Said iz Maglaja.

9.2. Po okončanju izrade Elaborata o vodozaštitnim zonama rješavat imovinsko pravne odnose sa vlasnikom zemljišta.

Zaduženje: Općinski načelnik, Služba za urbanizam, geodetske i imovinsko pravne poslove.

AD – 10 Prijedlog Odluke o usvajanju djelimične izmjene Regulacionog plana «Centar Maglaj – sjeverni dio»;

ZAKLJUČAK

10.1. Usvaja se Odluka o usvajanju djelimične izmjene Regulacionog plana «Centar Maglaj – sjeverni dio», po zahtjevu Hrnjić Minadira.

Zaduženje; Služba za urbanizam, geodetske i imovinsko pravne poslove.

DOSTAVLJENO:

1. Svim službama;
2. Općinsko pravobranilaštvo;
3. Arhiva



PREDSJEDAVAJUĆA OV,
Svjetlana Zamboni